

家同此德同也以鄉觀鄉以邦觀邦此鄉同此邦同此德同也夫家鄉與國既皆可以執此例彼豈天下獨不可以觀天下乎天下至廣也吾何以觀之哉曰卽以此身而知之也以天下觀天下猶以身觀身也豈身可以觀身而天下獨不可以觀天下乎

立符章第五十五

含德之厚抱道比於赤子無心大還

妙法元君注曰厚卽純一無偽之謂赤子知識未開渾然在抱秉厚無踰於此而體道者視於無形聽於無聲道自無爲我自無心其含此厚德默運潛行蓋有如赤子焉

道藏輯要

道德經解

奎

心集一
又三一

毒蟲不螫無畏猛獸不據無憂攫鳥不搏無慮

又曰天下禍患之來非無自也總緣人有以召之如逐於有爲涉境多則戕賊以嘗試者亦多而或毒蟲螫之猛獸據之攫鳥搏之皆勢所必至者也若含德厚則我且無爲無爲而災害奚至則可不慮夫毒蟲猛獸攫鳥也矣據作噓音吸

骨弱筋柔而握固神完未知牝牡之合而峻作精全精之至也杳冥

又曰且含厚而比於赤子更自有說赤子之骨弱也其筋亦最柔也而所握則常堅固而不易開當是時冥然無知寂然鮮動不知有牝焉知有牡卽又焉知牝牡之有合然雖不知而其峻作矣是峻也與形俱來有根於無者也是先天之所

秉乃精之至者也含德厚者可援此例之峻音裴赤子之陰也

終日號而嗑不噎性全和之至也

恍惚

又曰氣傷於和過號即必噎赤子不然雖終日號啼而其嗑固未見有噎是非赤子之能不噎也謂其雖號而不傷氣和之至也氣和則噎安從生而又何疑於含德厚者耶

知和曰常常寂知常曰明慧光益生曰祥靈源

不竭

又曰由是以觀則和為貴矣和即所謂柔也牝也即所謂無聲無形之物也人特患其不知耳誠知之則道在是德亦在是而常為道德之人不失常存之理時時奉而守之則始自

道藏輯要

道德經解

奕

心集一

明誠者久且誠則明矣故曰知和曰常知常曰明苟或既不
知和又不知常而益以生之夫大道無生安用益生益之則
反賊之矣欲免於祥也得乎祥訓妖猶亂訓治也

心使氣曰強氣動物壯則老人欲謂之不道喪亂不道早已不

立妄
不空

又曰人知和則心靜心靜則氣常柔反是而使之則氣妄作
而肆是謂之強梁也且強梁用壯剛過易折即或不折亦必
易敝幾見自古英雄常留天壤也耶故用壯而老皆非守柔
守虛無名無為之道是所謂不道也不道之事尚不當早已
也哉已止也息也